

寶慶四明志

卷十一

宋 羅澹 撰

叙祠

聖王之制祭祀也法施於民則祀之以死勤事則祀之以勞定國則祀之能禦大災則祀之能捍大患則祀之後世俗或因其所畏慕釋老氏各奉其所祖祠宇繁矣推建置之義而反其忠信誠慤之

卷十一

一

寶慶四明志

心其可乎 神廟

靈應廟即鮑郎祠也舊曰永秦王廟北距子城二里半按輿地志云鮑郎名蓋後漢鄆邑人為縣吏縣嘗裨捧牒入京留家酣飲踰月不行縣方詰責已而得報章果上達既死葬三十年忽夢謂妻曰吾當更生蓋開吾塚妻疑不信再夢如初乃發棺其尺儼然如生第無聲息自冥器完潔若日用者棺之四旁燈然不滅膏亦不銷郡人聚觀咸怪神之為立祠宇梁大通

間奴賊名益誕唱誘羣盜有衆三千號奴抄兵寇會稽永嘉臨海海鹽並海郡邑咸被其害官軍累邀擊不勝賊勢益張定襄侯蕭祇為刺史神忽見形因巫語祇願助討賊祇乃設帷帳迎神祇於譙門形雖隱而言與人接越三日告去語祇曰當以八月十三日破賊奴抄果以是日至餘姚舟膠於江衆陷於淖潰潰如醉官軍悉繫縛之若拾遺然祇奏其異武帝遣增大祠宇日以益盛唐聖曆二年縣令柳惠古徙祠

寶慶四明志

卷五

二

於縣會昌中刺史張次宗記其事皇朝崇寧二年尚書豐稷奏明州鮑君永泰王廟額犯哲宗皇帝陵名乞改為靈應勅如請政和八年守樓异以雨暘時若有禱輒應奏請王爵加惠濟王宣和四年守李友聞因睦寇竊發驚擾鄰邑境內安全繫王之功奏請加封於是加威烈二字六年侍郎路允迪使高麗蹈海無虞奏請再加忠嘉二字建炎四年車駕巡幸初加廣靈二字令稱忠嘉威烈惠濟廣靈王

純德廟東漢孝子董君祠也西北距子城五十五步唐大歷十二年立刺史崔殷記徐浩書君名黯其孝行已見叙人今祠宇即其故宅先是其母塑像在南郊外草堂中康憲錢公億因訪問而知之迺迎歸孝子廟且具其事請於朝勅賜純德徵君之廟徐浩所書碑石不存今碑簽判韓嘉所重刻也

五龍堂唐刺史李伉以天壽院天井歲旱禱雨必應有金線蜥蜴出而赴感乃即開元宮建五龍堂俾郡人

### 寶慶四明志

卷十一

三

咸便香火且為記以著靈異其畧曰在天莫如龍龍之德佐天地養萬物百穀賴以生四海所共尊者也社祭土稷祈穀國之重典也既立壇以享其神矣則龍之靈翔風灑雨澤枯槁滋稼穡可不嚴奠酌之所哉余受命牧明人四月戾止六月大旱俾吏具香酒敬祈於五龍之神有蜥蜴狀者躍入杯中飲酒復出緣器上顧吏久之跳躑而去吏未返雨已大注由是生植茂遂闔邑豐衍思所以崇祀事答神休者迺建

宇與塏依方塑像以時薦饗謂之五龍祠堂云時咸  
通六年季秋之末也皇朝乾道四年守張津以舊宇  
痺隘乃移創於報恩光孝觀之申地觀即開元宮也  
飲飛廟于城北一里二百步鹽<sub>倉</sub>之西昔有碑今亡故  
神之姓氏邑里無傳焉淮南子云荆有飲非得寶劍  
於干遂還及渡江中流暴風揚波兩蛟夾繞其舟飲  
非謂柁船者曰嘗有如此者而得活乎曰未嘗見也  
於是飲非瞑目勃然攘臂拔劍曰武士可以仁義說

寶慶四明志

卷上

四

也不可劫而奪之此江中之腐朽骨肉棄劍而已余  
又奚愛焉赴江刺蛟遂斷其頭舟中人盡活荆爵為  
執圭孔子聞之曰夫善戰腐肉朽骨棄劍者飲非之  
謂乎按皇朝建隆中鄞令金翊纂異記謂唐武德時  
以此郡為鄞州至開元中改鄞為明郡名奉化城號  
甬東地名句章軍號飲飛考此則飲飛廟者蓋出於  
當時之軍號而軍必有將之者往往有功於人故人  
為之祠云大觀之初本州所編九域志乃引淮南子

所謂荆有狄非不知淮南子之非實非是之非非飛  
走之飛今廟新榜遂稱荆狄飛侯豈非好事者附會  
其說而增以荆字歟舊志所辨狄非之說如此今存  
荆狄非之勇古字轉用甚多何必於非飛二字疑之  
或云膏有蛟池蛟自江來窟於此人患之故鎮以廟  
池令為民居所侵埋塞無幾又或云唐末刺史黃晟  
初以狄飛都副兵馬使防遏寇盜保護隣井沒而人  
祠之不日刺史而日狄飛蓋自領  
兵時人倚為重故習稱其舊號云

大人堂子城內府治北射圃中俗呼神曰闕相公事之  
甚謹大讀如馱大人者尊稱之祠也然莫知本始吳

寶慶四明志

卷上

五

越王時有近臣曰闕燔謫守於此初甚怏怏既至則  
悅謂居內不如守郡之樂未幾誅死未知所祀即其  
神否又有闕澤三國時為吳太子太傅令慈谿普濟  
寺乃其故宅鄞與慈谿接土人祀之亦未可知高閑  
撰記直指為節度使錢億特意之爾至循舊經之說  
謂郡治鄞縣寶應後乃移治鄞尤為無據  
東嶽行宮在報恩光孝觀東皇朝紹興十年守仇恁建  
知觀事宗元大師袁志賢募緣所成也有聖池人

或竊同居之物諱而不成則相與詣聖母前焚香已  
各投楮鏹於池浮者心負以此人敬畏之

張帝廟

舊附靈濟院佛殿之右隘陋卑濕淳祐六年夏  
制帥集撰顏公頤仲卜院之南備鼎新創建

白龍廟延慶寺之東嘉定十三年火十五年見象於其  
地人異之廟復立

### 宮觀

天慶觀于城東南一里唐天寶二年詔天下皆置紫極  
宮以祠老子梁開平二年易為真聖觀皇朝大中祥

### 寶慶四明志

卷五

六

符二年詔賜令名且命立聖祖殿扁以金字牌天禧  
二年守臣劉綽奏自今請令郡官到任得替洎朔望  
並齊潔朝拜奉辭從之當時有旨住觀滿三年無曠  
失聽度係帳道童一人大觀元年二月十八日御寶  
批改歲度道士一名政和四年正月二十一日仍被  
旨每年特賜紫衣一道紹興元年正月居民失火延  
燎及觀守臣胡榘重建聖祖殿改扁金字牌翼以兩  
廡護以屏牆朝拜如初靈星門亦復其舊

報恩光孝觀于城東南八十步本唐開元二十六年所  
置開元宮也後嘗改為崇壽宮皇朝崇寧二年有旨  
改崇寧萬壽政和元年改天寧萬壽紹興十三年二  
月改令額

### 寺院

#### 禪院三

萬壽院于城東南一里在唐為慧燈院咸通十三年史  
君周景遇捨解宇以建仍舍田以充常住聞諸朝而

### 寶慶四明志

#### 卷五

七

賜額皇朝開寶元年重建太平興國七年改崇壽政  
和八年四月改廣慧專充啓建祝聖道場建炎四年  
火於兵重建嘉定十三年再火又重建或謂慧字從  
慧從心於星皆火讖也為寺額不利郡為聞於朝紹  
定元年正月十三日有旨賜令額是日東北廂火環  
寺皆延燎而寺獨存人咸異之本寺常住田一千四  
百五畝山一百一十畝

報恩光孝寺于城西百步在唐為國寧寺大中五年置

皇朝崇寧二年詔改崇寧萬壽禪宇遇天寧節賜紫  
衣度牒各一道政和元年八月七日勅改天寧萬壽  
紹興七年改報恩廣孝禪寺是年又改今額專一充  
追崇徽宗皇帝道場有鐵塔建隆間康憲錢公億所  
建亦有深沙神初自奉化之岳林寺編舟載至太平  
興國寺繼徙至本寺之西廊蓋工人王百藝極雕刻  
之巧而為之者嘗見光明雀鼠俱莫敢近建炎間寺  
燬於兵而深沙神之屋巋然獨存瞻奉者愈加敬也

寶慶四明志

卷五

八

常住田二千一百五十九畝山二百六十畝

吉祥院鄞縣東南一里一百步晉天福五年建六年以  
釋天院為名皇朝太平興國八年改賜今額嘉定十  
三年火重建常住見置

教院四

延慶寺于城南三里周廣順三年建日報恩院皇朝至  
道中僧知禮行學俱高真宗皇帝遣使加禮大中祥  
符三年改院名延慶天禧元年賜禮紫衣尋又賜法



智大師內翰楊儀都尉李遵勛稱論之力也太守李夷庚尤推重之禮嘗結十僧為懺悔佛事約三年共焚身以諸公言止住持四十餘年乃逝曾會守郡時禮夜夢神諭之曰翼日丞相來已而會之子公亮至禮以告洎公亮大拜請於朝置田闢舍大啓法席僧圖其像祠焉元豐中禮曾孫中立世其教比丘介然來依道場修淨土之法募緣結屋六十餘間中建寶閣立丈六彌陀之身夾以觀音勢至環為十有六室

### 寶慶四明志

卷十一

九

各兩間外列三聖之像內為禪觀之所初然手二指誓以必成元符三年落成又然三指以增淨誓忠肅公陳瓘記之紹興十四年有旨賜教額寺之大悲閣有辟支佛舍利並普賢菩薩象皆禮所立嘉立十三年僧以像小欲修之剖其臟書云動此者水火為災未幾寺火像滅令丞相魯國公重建常住田二千二百一十畝山無

寶雲院子城西南二里舊號傳教院皇朝開寶元年建

太平興國七年改賜令額先是有僧義通自三韓來  
振譽中國漕使顧承徽舍宅為義通傳道所乞額寶  
雲昭其祥也繼為史越王府功德寺嘉定十三年火  
重建常住田五百三十一畝山無

白衣廣仁院子城西舊號淨居報仁院唐長興元年七  
月建清泰二年十月為淨居院續因祈禱靈應復加  
報仁二字皇朝治平元年十一月十三日賜令額初  
節度使錢公億解宇之梁見白光紋脉有觀音相乃

寶慶四明志

卷十一

十

代以它木而以梁木刻觀音寘於寺故俗號白衣觀  
音院有青蓮閣守周邦彥捐金命住持僧子元建也  
建炎四年燬放兵寺今重建而閣亡周守記刻亦不  
存矣常住田五十畝山無

興勝院子城西四里舊號墻西院唐咸通十年建皇朝  
大中祥符八年賜令額本尼院也經建炎兵火未能  
復其舊今為僧房屋十餘間常住無

十方律院六

廣福水陸院子城西南三里半舊號水陸冥道院俗謂  
之湖心寺皇朝治平中建熙改壽聖院紹興三十二  
年以犯太上皇帝尊號改賜今額係十方傳律講  
去處被旨充祝聖壽放生池道場乾道初守趙伯圭  
建廣生堂待制朱翌記之常住田三百五十二畝山  
無

開元寺鄞縣南二里唐開元二十八年建以紀年名會  
昌五年毀佛祠此寺列廢大中初刺史李敬方有請

寶慶四明志

卷十一

十一

於朝復開元寺乃即國寧寺舊址建焉寺西南高原  
有崇陰亭郡守殷僧辯廢亭以其材增建千佛殿寺  
之三門亮閣梨建亮號月山能文善談論道行高潔  
邦人敬之日閱藏經積施利以成此殿有維摩問疾  
相東廡有梵王帝釋四天門正行道變相天相天男  
天女歌樂形相皆協音律以畫藝極精妙吳越畫中  
寶也其樂蓋霓裳羽衣曲調云嘗有廣利大師誓光  
者住此寺工草書及畫詞辯過人昭宗聞其名召至

闕講論俾之畫龍面賜紫衣嘗畫墨龍於寺之壁亦  
竒觀也寺有二牌其一李蘋文其一陶祥校書文韓  
澤木書文有不肯去觀音先是大中十三年日本國僧  
惠諤詣五臺山欲禮至中臺精舍觀觀音貌像端雅  
喜生顏間乃就懇求願迎歸其國寺衆從之諤即肩  
舁至此以之登舟而像重不可舉率同行賈客盡力  
舁之乃克勝及過昌國之梅岑山濤怒風飛舟人懼  
甚諤夜夢一胡僧謂之曰汝但安吾此山必令便風

寶慶四明志

卷五

三

相送諤泣而告衆以夢咸驚異相與誅茆縛室敬置  
其像而去因呼為不肯去觀音其後開元僧道載復  
夢觀音欲歸此寺乃創殿宇迎而奉之邦人祈禱輒  
應亦號瑞應觀音唐長史韋絢嘗紀其事皇朝太平  
興國中重飾舊殿目曰五臺觀音院以其來自五臺  
山故也駱登吳矜皆有記寺之天王堂前有喬檜尤  
竒怪康憲錢公億為之賦詩寺又有子院六曰經院  
曰白蓮院曰法華院曰戒壇院曰三學院曰摩訶院

嘉定十三年火廢為民居惟五臺戒壇重建常住田二百五十畝山無

太平與國寺鄞縣西南一里半在唐為太平興慶寺開元二十八年建皇朝太平興國八年改賜今額寺有子院三曰浴院曰經藏院曰教院唯浴院為十方山主餘皆甲乙住持先是福明橋側水中有泗洲像時見景光好事者汲水求之長尺許因加嚴飾崇奉於寺嘉定十三年火民多占居教院重建今為十方住

寶慶四明志

卷一

三

持常住田五十畝山無

經藏院即太平興國子院嘉定十三年火徙建於舊寺之東偏甲乙住持今為十方常住田一百八十畝山無

景福院子城南二里半舊號水陸蓮花院皇朝建隆二  
年建大中祥符三年改賜今額常住田五十畝山無  
能仁羅漢院鄞縣西半里在唐為乾符寺尋廢咸通八  
年復建名藥師院後改為承天寺皇朝政和七年六

月五日御筆賜令額寺有子院二曰法華教院曰羅漢律院今能仁法華廢為民居惟羅漢院在常住田五十畝山無

甲乙律院六

聖功院子城西南四里半本崇教院也周顯德元年建真宗皇帝詔內侍裴愈訪名山聖迹寺院恭藏太宗皇帝石刻御書於是本院奉賜五十卷軸明年因愈奏改賜令額常住田二十五畝山無

寶慶四明志

卷五

十四

廣福院子城西南一里半舊號羅漢院漢乾祐二年建皇朝太平興國九年賜令額嘉定十三年火重建常住田二百八十畝山無

東壽昌院子城東南一里唐清泰二年僧子麟禪師往高麗日本百濟諸國傳持天台教法高麗國王遣使李仁旭輩送還明州錢氏因贖徐蘊鄉園地建院以安其衆晉天福七年吳越國王命以為保安院皇朝治平元年賜永安院大觀二年八月以犯宣祖陵名

賜令額嘉定十三年火重建紹定元年再火常住田一十六畝山無

崇教院于城西南二里半唐乾符元年建皇朝大中祥符元年賜令額常住田二十二畝山無

興法院于城東南二里舊號境清院唐咸通二年建皇朝大中祥符元年賜令額嘉定十三年火半為民居常住田二百六十畝山無

保安院紹興間有僧師韻卓庵修道於此繼或訐其私

寶慶四明志

卷上

五

置庵毀地奪於有力者淳熙中史忠定王請東湖上水廢寺額畀之韻之弟姪曰師琛清俊募緣贖地重建常住無闕

廢院六

景德寺于城東南二里舊號鄞江院唐清泰元年建皇朝大中祥符元年賜令額寺有教院在西偏嘉定十三年火廢為民居

西壽昌院于城南一里半東壽昌之下院也嘉定十三

年火廢為民居

天封院鄞縣南一里半舊號為天封塔院漢乾祐五年  
建皇朝大中祥符三年改賜今額寺有僧伽塔建炎  
間燬於兵紹興十四年太守莫將重建蓋僧德華募  
緣而成之也嘉定十三年火廢為民居

大中祥符寺子城南一里半舊號崇福寺周廣順元年  
建皇朝端拱中僧從信以精琴院至京師太宗皇帝  
召見賜食資金帛賜號三惠大師信奉藏所得御書

寶慶四明志

卷一

六

御批於寺大中祥符元年賜今額寺有教院輪藏嘉  
定十三年火廢為民居

能仁觀音院縣西南二里半舊號報慈院院瀕西湖本  
節度使錢公億捨宅為之成於皇朝太平興國中院  
記謂面枕平湖門橫綠野為四明望蓋也觀音聖像  
以諸香衆寶莊嚴瑞應甚衆初賜承天院額宣和例  
改能仁院建炎兵火之變觀音先期託夢僧人亟移  
郊外淨嚴院僅免回祿後復迎歸凡有懇求無不誠



格嘉定中有旨以其地賜令丞相史魯公移其額於  
大慈山

藥師院在太平興國寺之右嘉定十三年火廢為民居

居院五

戒香十方寺子城西南二里半舊號白檀寺唐大中元  
年建皇朝大中祥符元年賜令額嘉定十三年火重  
建

普照院子城西南二里半舊號福明院唐咸通三年建

寶慶四明志

卷十一

七

皇朝大中祥符元年賜令額嘉定十三年火重建

興教院子城東南二里舊號新居禪院梁正明二年建

皇朝大中祥符元年賜令額嘉定十三年火重建

奉聖院子城東南二里舊號淨居禪院唐天祐二年建

皇朝大中祥符元年賜令額嘉定十三年火廢為民

居

普寧院舊為庵舍嘉定十三年賜額

一郡之事眇別區分欲舉其凡知其目也凡目所  
不該紀載所不及其可遺乎撮拾而次第之故曰  
叙遺

車駕巡幸

建炎三年十一月乙巳朔二十五日己巳車駕發越州  
次錢清堰呂頤浩奏金人以騎兵取勝今若車駕乘  
海舟以避敵敵騎必不能襲江浙地熟敵亦不能久  
留俟其退去復還二浙彼入我出彼出我入此兵家

寶慶四明志

卷十一

六

之奇也上沉吟久之曰此事可行卿等熟議來日待  
從臺諫至都堂參議可否庚午頤浩晚朝奏事上曰  
航海之事朕夕熟思之斷在必行卿等速尋船遂決  
策趨四年十二月己卯車駕幸明州駐蹕州治提  
領海船張公裕奏已得千舟上甚喜壬午定議航海  
執政請每舟載六十衛士人不得過兩口衛士皆曰  
我有父母有妻子不知兩者如何去留訴於主管禁  
衛入內內侍省都知陳宥宥不能決宰相呂頤浩入

朝衛士張寶等百餘人遮道問以欲乘海舟何往因  
出語不遜願浩詰之曰班直平日教閱何嘗有兩箭  
上貼今日之事誰為國家死戰者衆欲殺願浩參知  
政事范宗尹曰此豈可以口舌爭引其裾入殿門門  
閉衆不得入上以御筆撫諭人情稍定遂山呼於殿  
門外上密諭宰執曰此輩欲沮大事朕今夕伏中軍  
甲士五百人於後范卿等翼率中軍入捕為首者誅  
之願浩退密諭中軍統制辛企宗及親軍將姚端令

寶慶四明志

卷十一

九

陰為之備癸未執政早朝命御營使司參議官劉洪  
道部兵在宮門防變而中軍及姚端又整齷於行軍  
門外二府引中軍入遇直宿兵衛皆擒之其徒驚潰  
或升屋或踰牆遁走上自便殿御介胄引伏兵出彎  
弓手發二矢中二人墜屋下其衆駭懼悉就擒上命  
呂頤浩至都堂詰為首者以奏其餘皆囚之甲申誅  
張寶等十七人於明州市陳宥責汝州團練副使潭  
州安置除行門外其衆降隸諸軍戊子朝奏郎知明

州張汝舟為中書門下省檢正諸房公事宜州觀察使張思正為浙東馬步軍副總管屯明州徽猷閣侍制御營使司參議官劉洪道知明州乙丑夜諜報敵逼臨安知越州李鄴奏至旦大雨羣臣入朝至殿門有旨放朝惟執政入對上於袍袖中出鄴奏示之既退上自州治乘馬出東渡門登樓船宰執皆從詔止親兵三千人自隨百官有司隨便寓浙東諸郡時上既廢諸班直獨神武中軍辛永宗有衆數千而御營

寶慶四明志

卷上

二十

使呂頤浩之親兵將姚端衆最盛上皆優遇之晚朝二府登舟奏事參知政事范宗尹曰敵騎雖有萬必不能追襲可以免禍矣上曰惟斷乃成此事是也庚寅從官以次行吏部侍郎鄭望之以疾辭不至給事中兼權直學士院汪藻以不便海船請陸行以從許之於是扈從汎海者宰執外惟御史中丞趙鼎右諫議大夫富直柔權戶部侍郎葉份中書舍人李正民綦崇禮太常少卿陳戩六人而昕夕密衛於舟中者

御營都統辛企宗兄弟而已留者有兵火之虞去者有風濤之患皆向無人邑辛卯御舟次定海縣有傳金使至者上不欲令朝行在即遣參知政事范宗尹還明州俟之留御史中丞趙鼎給事中兼學士院汪藻參議軍事且令宗尹盡護諸將壬辰宗尹等至明州及盧伸等自和州來所携國書語極不遜宗尹遂不奏癸巳御舟次昌國縣范宗尹聞臨安陷復還見上於舟中丙申浙東制置使張俊自越州引兵至明

寶慶四明志

卷五

五

州已無舟可載奏乞海舟上賜俊手書許以捍賊成功當封王爵俊納俠士劉相如之策遂留揭榜通衢勸諭迎敵士皆思奮俊軍士頗事擄掠城中居民少遂出城以清野為名環城三十里皆遭焚劫戊戌金人陷越州己亥奏至行在乃議移舟之溫台以避之庚子御舟發昌國縣先是敵分兵犯餘姚知縣事李頴士募鄉兵數千列旗幟以捍賊把隘官陳彥助之敵既不知地勢又不測兵之多寡為彷徨不敢進者

一晝夜繇是上得以登舟航海辛丑御舟艤白峯寺  
癸卯張俊與金人戰敗之先是敵遣兵追襲乘輿至  
城下俊遣統制官劉寶與戰兵少却其將党用邱橫  
死之統制官楊沂中田師中統領官趙密皆殊死戰  
主管殿前司公事李質率所部以舟師來助知州事  
劉洪道率州兵射其旁大破之殺數千人四年正月  
甲辰朔大風御舟碇海中乙巳御舟次台州港口是  
日午西風忽起敵乘之犯明州張俊與劉洪道坐城

寶慶四明志

卷上

三

樓上遣兵掩擊殺傷大當敵奔北墮田間或墜水俊  
急令收兵夜敵拔寨去屯餘姚且請濟師於完顏宗  
弼丙午御舟次章安鎮張俊令明州西城外民居盡  
藝之其意欲赴行在也庚戌敵帥烏珠引衆再犯明  
州張俊禦之於高橋戰數合慮其濟師遂託以上旨  
扈從辛亥盡將其衆入台州城中居民去者十七八  
有士人率衆扣劉洪道馬首願留以禦賊洪道曰予  
數尅敵若等毋慮丙辰夜洪道忠府寶徽服而遁與

副總管張思正引所部奔天童山所過盡撤其橋民  
不得濟死者數千人哀號震天城中惟崇節馬軍與  
惡少僅千人以酒官李木將之己未金人破明州先  
是敵益兵而來駐廣德湖舊寨前遣老弱婦女運瓦  
礫填塹次夕植砲架十餘對西門是日以數砲碎城  
樓守者奔散而出城遂陷敵引<sup>兵</sup>入顯謨閣真學士提  
舉建隆觀鄭億年避寇山間為所執甲子御舟次  
溫州港口丙寅移次館頭先是金人自明州引兵攻

寶慶四明志

卷十一

三

定海縣破之遂以舟師絕洋犯昌國縣欲襲御舟至  
碇頭風大作和州防禦使樞密院提領海舟張公裕  
引大舶擊散之敵乃去上引舟而南敵人纜隔一日  
辛未汪藻言金人為患今已五年陛下以萬乘之  
尊而張然未知稅駕之所者由將帥無人而御之未  
得其術也如劉光世韓世忠張俊王瓊之徒身為大  
將論其官則兼兩鎮之重視執政之班有韓琦文彥  
博所不敢當者論其家則金帛充盈錦衣肉食輿臺

寶慶四明志

卷一

二

廝養皆得以功賞補官平時飛揚跋扈不循朝廷法  
度所至驅掠甚於金兵陛下不得而問正以防秋之時  
責其死力爾張俊明州僅能少抗奈何敵未退數  
里間而引兵先遁是投明州一城生靈而陛下再有  
館頭之行者張俊使之也 云云 二月乙亥車駕幸溫  
州江心寺駐蹕丙子敵自明州引兵還臨安初敵既  
破明州遣人聽命于完顏宗弼且云搜山檢海已畢  
宗弼曰如揚州例敵遂焚其城惟東南角數佛寺與  
僻巷居民偶有存者城之始破也守者奔湊東南緹  
城而出或浮木渡江生死相半而逃村落者與賊遇  
由是遍州之境深山窮谷平時人跡不到處皆為敵  
人搜剔殺掠不可深數既去以修職郎蔣安義知明  
州進武校尉張大任同知明州事安義本越州剡縣  
人大觀三年昌明州貫登第以贓敗敵首至輒投拜  
盡籍土著寄居姓名以告故敵帥喜之且授以兩浙  
轉運司印一紐甲申慈谿縣令林叔豹引鄉兵入明



州執將安義奪其印敵人十餘在開元寺皆病不能前者叔豹并誅之丙戌劉洪道自台州還屯奉化縣其麾下精卒暴橫市肆邑人蔣璉夜集數千人之岳林寺圍洪道將殺之縣丞白彥奎勸洪道流其殿人之卒衆乃定洪道復入城劇民家窖藏之物得四萬緡以獻州人怨之是日金人自臨安退兵庚寅車駕幸溫州駐蹕州治三月辛酉車駕發溫州辛未御舟次定海縣縣為金人所焚上惻然曰朕為民父母不

奎

奎

能保民使至如此四月知明州劉洪道罷貶秩二等依舊充御營使司參贊軍事以降授宣教郎直祕閣向子志知明州甲戌御舟至明州之城外乙亥發明州癸未車駕駐蹕越州戊戌出米七千斛賜明州民居為敵所焚者五月癸卯中書門下省檢正諸房公事張汝舟遷一官初上過明州汝舟應奉簡儉粗能給足至台州而守臣晁汝為儲峙豐備論者以為擾民上曰第以簡儉褒汝舟則好惡自明故有是命

大師史忠定王鎮會稽日捐公帑之金市田數百畝名  
曰義田凡仕族有親喪之不能舉與孤女之不能嫁  
者以其租入差給之既間居里閭端憲沈公煥請曰  
吾鄉義風素著相調相卹不待甚富者能之而求者  
日衆後難繼也舉會稽近比行於此其可乎王聽其  
言乃與沈及少師汪公暨其子尚書大猷合辭以倡  
好義者於是或捐已產或輸財以給費積田漸多郡

寶慶四明志

卷

五

太守相繼輟在官之田若錢令丞相史魯公又捐楮  
券附益之歲得穀斛六百米半之買地作屋十五楹  
於郡之望京門裏扁曰義田莊俾鄉之賢有力者掌  
焉仕族親喪之不能舉者給三十緡孤女之不能嫁  
者給五十緡其親屬若隣里以聞於郡郡覈實俾主  
者行之非二者忽與先後緩急間從權宜而郡守與  
主者皆不得私焉提刑程章攝郡日許人徑投狀於主者始自紹熙初  
元於今四十載義田之增置未已也忠定王之言曰

是田之設非止濟人之急抑以崇廉耻之風將使從  
官者清白自持為士者專意學業人人知身後有所  
恃不沮喪素節斯其惠大矣參政樓公鑰記之鄉人  
且繪王及少師汪公端憲沈公之像於莊所祠焉其  
田畝之數分給之規有文籍在

紀異

金庭客咸通中自剡溪金庭路由林嶺間將抵明州行  
三二十里忽迷失舊路忽忽而行日以將暮莫知棲

寶慶四明志

卷上

三

息之所因遇一道士荷鋤問津焉道士曰此去人家  
稍遠無寓宿之所不嫌敝陋宿於吾廬可也引及其  
家則林徑幽邃山谷沖寂既憩廡下久之烹野蔬苗  
食之頃有扣其門者童子報云隱雲觀請來日齊泊  
曉道士去約童子曰善祇奉客客因問隱雲觀置來  
幾年去此觀遠近荅曰自古有此觀去此五百里常  
隱雲中世人不見故以為名客驚曰五百甚遠尊師  
何時當還荅曰尊師往來亦頃刻耳俄而道士復歸

欲留客久住客方有鄉關之念懇辭而出乃遣童子  
示其舊路行二三里失向來所在及問歲月已三四  
年矣尋即復往再訪其蹤無能知其處所出雲笈  
孔祐隱四名山嘗見谷中有數百斛錢視如瓦石不異  
采樵者競取入手即成砂礫出南史社  
京產傳  
泮水池清瀾池春蛙皆不鳴俗云守李夷庚以術禁之  
泮水蛙鳴境內必出倫魁  
四明四絕景絕而詩亦絕也

甯慶四明志

卷上

天

它山堰詩唐亮闇黎作

截斷寒流疊石基海潮從此作回期行人自老青山  
路澗急水聲無絕時

定海正覺寺清風軒詩王旦作或云王旦

海風柏枕燈初暗山雨捷牕人正寒料得此軒秋更好  
怒濤推月上闌干

慈谿龍虎軒詩盛次仲作

一松偃蹇蒼龍蟠一石巉巖怒虎踞漫來題作龍虎

軒便恐風雲捲將去

奉化寶化石巖花鳳樊主簿作

山僧取巧蟠真叢九苞占盡千葩紅倚闌精采欲飛  
動百鳥不敢啼春風

存古

文宣王廟記文宣王冊請立文宣王冊牒皆唐碑在府學

移城記唐推官韓杼材撰在簽廳

李斯小篆二一在設廳一在鄧山堂

寶慶四明志

卷十一

三


裴刺史德政碑李陽冰篆在設廳

王刺史德政碑李舟撰顏真卿書李陽冰篆額董孝子

碑徐浩書今皆亡矣

寶慶四明志卷十一

鄞縣縣境圖



鄞縣縣治圖

東

西

